



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Libertatibvs Ecclesiæ Gallicanæ

Charlas, Antoine

Leodii, 1684

Cap. IX. De publicatione Indulgentiarum, de collectione Eleëmosynarum,
de Societatibus, & de possessione Beneficiorum. Ad cap. 25. & 26.
Puteani.

urn:nbn:de:hbz:466:1-38227

C A P U T I X

De publicatione Indulgentiarum, de collectione Eleemosynarum, de Societatibus, & de possessione Beneficiorum.
Ad capp. 25. & 26. Puteani.

1. **C**apite 25. in Regem confertur potestas impediendi, ne absque sua vel Parlamentorum licentia, Indulgentiae publicentur; ne querantur eleemosynæ illarum occasione; neve instituantur Societates seu Confraternitates. Si qui abusus in hujusmodi publicationem, quæstum, aut Societates irreperserint, Canonum contra illos editorum executionem Principes laudabiliter urgebunt; ac si quid sub pietatis specie contra Regem, aut Regnum aliqui machinarentur, possent à Magistratibus comprimi. At, si ea Religionis officia ad id, ad quod sanctè sunt instituta, colliment, ea bona impedire posse, non est Ecclesiæ libertas, nec jus Principum Christianorum. Earum rerum cura ad Episcopos non ad Magistratus sacerulares spectat.

2. Reditus Beneficiorum temporales sunt; sed jus eos percipiendi, nonnisi spirituale dici potest, utpotè fundatum in celebratione Divini Sacrificii, recitatione Horarum Canoniarum, administratione Sacramentorum, exercitio spirituallis jurisdictionis, & cæteris spiritualibus operibus. Quare nemini unquam dubium fuit, quin Simoniacæ crimen ab iis patetur, qui Beneficia valemere, vel vendere, aliove contractu, non gratuitò distrahere, vel accipere præsumperint, quod necessariò res esse sacras, & spirituales supponit. Quomodo ergò ad judicium sacerulare spectaret controversiarum beneficiariorum decisio?

3. Undè Judicibus Laicis esset potestas Curatos, Canonicos, aliasq[ue] Beneficiarios, suis Placitis, seu, ut vocant, Arrestis constituere? Numquid si vitiosus sit ejus, cui favent, titulus, possent ipsi jurisdictionem spiritualem conferre, ut valida sint, quæ conjecturus est, Sacraenta.

4. Fatentur, qui Laicam jurisdictionem ad has materias pro-
ten-

tendunt, Judices sacerdotes non de petitorio, sed de possessorio, non de jure, sed de facto debere sententiam ferre, hoc est non definire, quæ provisio sit canonica vel vitiola; sed quis magis legitimè possidere videatur, ut is in sua possessione servetur, donec de jure prolatæ fuerit ab Ecclesiastico Judice ultima sententia; idque ne partes ad arma concurrant, quod frequenter accidit, dum plures rem eandem possidere conantur; quodque ne accidat, inquiunt, Principis est impedire. Sed nonne de possessorio, sicut de petitorio per plurima sacerdota jus dixerunt Officiales Ecclesiastici in Gallia, sicut in aliis Provinciis Christianis? Cur ergo gens adeò antiquitatis retinens à veteri illa disciplina recessit? Hæc certè immutatio Episcopis tribuenda non est. Fatetur enim Carolus Fevret lib. 4. de abusu cap. 12. num. 6. ab illis ægrè admodum admissam.

5. Primam prætensiæ à Judicibus sacerdotalibus juris probacionem petit Puteanus à quadam deliberatione Senatus Parisiensis anno 1411. vetantis, Ne Cardinalis Pisanus Joannis XXIII. ad Carolum VI. Regem Francie Nuncius, seu Legatus diceret Regem, ejusq; Judices, præcipue Curiam ipsam non posse de causis possessoriis Beneficiariorum cognoscere. Hæc quidem verba probant intentionem Senatus, sed non ejus justitiam. Cæterum tunc usus ille adeò erat Pontificis illius Curiæ incognitus, adeoque iis, qui eum norant, improbatus, ut prædictus Cardinalis scriperit in epistola, circa quam deliberabat Senatus; Deus scit QVANTVM ECCLESIASTICÆ IURISDICTIONIS (notentur hæc verba) QVOTIDIE VSVRPATVR. De omnibus causis Ecclesiasticis possessoriis indistinctè cognoscent, inter personas Ecclesiasticas, Religiosas, Abbates, Episcopos, ac etiam Cardinales. Et totum procedit à Clericis, qui sunt in illa Curiâ. Licet autem tunc schismatis tempus esset, multaque permettere coegerentur Pontifices, quorum partes Gallia sequebatur, adversus Ecclesiasticam libertatem, magnam tamen retinebant autoritatem in Ecclesia Gallicana, etiam circa controversias beneficiales, ut testantur prædicti Joannis XXIII. litteræ, præfertim qua referuntur à Bulæo in tom. 5. histor. Univers. Patr. ad an. 1412. ante finem.

6. Puteanus numeris 2. & 3. profert duas Constitutiones Martini V. declarantis penas aliâ suâ constitutione latae in

Ooooo 2 eos,

M. C
Libertatis
Ecclesiasticae
GHI 231

660 TRACTATUS DE LIBERTATIBVS,
eos, qui ad Judices sacerdotes recurrerent in causis Ecclesiasticae, nominatim in beneficialibus, non afficere subditos Regis Franciae. Verum illæ litteræ, Judicum Regiorum conscientiae in tuto ponendæ impares sunt. Confirmant etiam dumtaxat jus, si quod erat, nullum autem concedunt. Per hoc autem nullum jus, seu jurisdictionem in premisis cognoscendis eidem Regi de novo acquiri volumus, sed antiquum, si quod habet, tantummodo conservari.

7. Allegatum enunciatur ipsum Regem, & suos Progenitores super omni possessorio à tanto tempore, quod de ejus contrario memoria non existat, consueisse cognoscere; Quæ conditio deficiebat, cùm nondum eo tempore passim & constanter lites de Beneficiis coram Judicibus sacerdotalibus agitantur, ut monumenta etiamnum extantia testantur; undè mirum est Carolum Fevret, qui lib. 4. cap. 11. num. 3. autoritate Joannis Galli, & Guidonis Papæ, probat eum usum tempore Martini V. non fuisse constantem, renentibus nimis Episcopis, imò testimonio Philippi Probi confirmat centum post id tempus annis Ecclesiasticos Judices de possessorio Beneficiorum cognoscere potuisse cumulative cum laicis, quibus eam cognitionem permiserat Romanus Pontifex: Mirum, inquam, est cum in illo ipso numero affirmare possessorium beneficiale nunquam in Curis Ecclesiasticis fuisse tractatum, & numero 2. ejusdem capituli coronæ jus illud esse, ac verè Regium. Ita scilicet constant Libertates Gallicanæ, ut qui eas justas ostendere nituntur, sibi ipsis non possint non contradicere.

8. Constitutiones illæ, seu privilegia indicant facultatem Judicum Regiorum exerceri tantum inter Clericos, Ecclesiasticas personas, ad Beneficiorum suorum possessionem ipsius Regis auxilium implantes; puta ne quis per vim à sua possessione deturbetur, praeterea in casu possessorii retinenda possessionis. Itaque Beneficiorum fructus essent tantummodo sequestro committendi, ut dirempita lite apud Ecclesiasticum tribunal victori consignarentur, vel potius ille, cuius titulus Episcopi judicio magis probatus fuisset, in possessione esset defendendus, aut si per vim ab ea fuisset deturbatus, autoritate Regi restituendus. At nonne super tituli validitate pronunciant Judices Laici, siquidem, ut notat Petrus Rebiffus, discrimen inter profanum, &

beneficiale possessorum interponitur, ut in profano sola possesso, à qua quis se dejectum conqueritur, in beneficiali autem provisio, seu titulus attendatur.

9. Etiensi possessorii nomine donentur causæ beneficiales apud sacerdetales Judices, revera tamen ut petitoriae judican- tur: tum quia, ut diximus, ex titulis dirimuntur: tum quia super iis judicium ab Ecclesia non profertur. Pars enim, quæ in possessorio succubuit factis primæ litis sumptibus, qui maxi- mi sunt, plerumque prosequendæ secundæ impar est, nec dilationes, & cavillationes partis adversæ, quæ, cùm fructibus gaudet, processum, si possit, in infinitum protrahet, se unquam superaturam esse confidit. Imò, ut insinuat Caro- lus Fevret. Tract. de abusu lib. 4. cap. 11. num. 6. post Louë- tum, datâ super possessorio sententiâ, non sinecetur quis ab Ecclesiastico Judice contrarium judicium obtinere, vel illud executioni demandare, nisi forte novum jus coram sacerdeta non allegatum supervenisset: quasi tanta sit Judicis sacerdotalis de re spirituali decernentis peritia, tanta ejus auto- ritas, ut possessionem tantum discutiens, jus ipsum certissi- mè attingat.

10. Possessio propriè rerum temporalium est. Cur ergo quod in Beneficiis est spirituale, Ecclesia non dimittitur omni- nò? Cur Episcopo, cui sàpē constat alterum ex litiganti- bus jus nullum habere, non licet alteri, cuius Canonicus est titulus, Beneficii officia exequenda committere, præ- fertim cùm jurisdictionem spiritualem requirunt, ac fine il- la salus animarum certissimæ ruinæ patet? Cur arguetur tan- quam sua potestate abusus Prælatus, si confessiones audire inhibeat ei, quem norit verè non esse Curatum, atque adeò nullâ jurisdictione præditum, imò forte jurisdictionis incapaci- em? An toleranda erunt innumera sacrilegia, ne lèdatur reverentia Judicii Laico debita, apud quem causa possessionis tractatur?

11. Delicior erat conscientia Judicium sacerdotalium tempo- re Joannis Galli, hoc est circa initium decimi quinti sàculi. Is enim quæst. 136. testatur, tunc non admittendam fore que- relam (Galli vocant Complainte) pro possessione Beneficii Curati, aut ejus fructuum, quia, inquit, hoc erat merè spirituale.

Oooo 3

12. Post

12. Post Martini V. declarationes assertur à Puteano num.
4. alia Eugenii IV. earum primam confirmantis. Verum illa
provisionalis tantum est; donec aliud autoritate præfata de-
super ordinatum fuerit. Neque generalis est, cum primam
tantum Martini V. declareret; „atque adeò malè hoc ei lem-
„ma præfixit Puteanus; Bulla Eugenii IV. quā declaratur,
„Bullas Pontificum circa possessorum Beneficiorum non ha-
„bere locum in Francia.

13. Breve Leonis X. ad Præsidentes, & Consiliarios Par-
lamenti Curiæ Tolosanæ exhibet Puteanus num. 7. ut often-
dat Judicem in Francia cognoscere de possessorio Beneficio-
rum, approbante Papâ. In eo brevi, quod non extat in Re-
gestis Pontificiis, supponitur commendari Senatu Tolosano
Joannes de Anseduna litterarum Apostolicarum Abbreviator,
cui Papa Beneficia contulerat, super quibus lis erat in dicto
Senatu. Verum præterquam quod hoc non est approbare sal-
tem expressè usum judicandi de possessorio Beneficiorum;
ejus Pontificis mens certius perspicitur in iis, quæ Concilio
generali præsidens fecit, quam in litteris, quæ ab Officia-
li Curiæ suæ proprio commodo studente, furtim obtineri
potuerunt. Leo X. à quo dicitur datum prædictum Breve
die 17. Novembris 1513. mense sequenti, hoc est 17. De-
cembris ejusdem anni in Concilio Lateranensi sessione 8. mon-
itorium penale deerevit adversus Senatores Parlamenti A-
quisextiensis, Ecclesiasticam jurisdictionem violantes in
variis capitibus, quorum unum erat de cognitione causa-
rum Beneficialium. Quocirca id, de quo Judices secula-
res in Francia cognoscunt, possessorum fictè dumtaxat di-
ci, sed revera petitorii esse significavit, cumque usum
abolere deliberavit. Erat enim articulus ille prædicti moni-
torii expressus his verbis; *Causas spirituales & beneficiales non tan-
tum super possessorio, sed etiam POSSESSORI CONFICTO COLO-
RE SUPER TITULO AUDIVNT, &c.* Nonne illa est posses-
sorii ratio, quam hodiè Judices Galli ad suam jurisdic-
tionem pertinere contendunt? Non tantum de possessorio,
cujus cognitio ad petitorii Judicem de jure spectat, sed de
petitorio ipso quantumvis spirituali, hoc est de titula,
possessorii conficto colore judicant. Nec enim quis de facto possi-
deat,

C A P U T X.

De puniendis autoritate Regis Clericis in officio laico de-
linquentibus, Hæreticis quietem publicam turbantibus,
& Concionatoribus seditionis: de Alienigenis ad Bene-
ficia Regni non admittendis: ac de officiis Ecclesiae Gal-
licanæ: ad capita 27. 28. 29. & 30. Puteani.

1. Aperti 27. hunc titulum præposuit Puteanus, „Posse
„Regem de crimine Officialium suorum Clericorum,
„quod in officiorum suorum exercitio admiserint, judicare;
„non obstante privilegio Clericali. Hoc probat num. 1. quo-
dam Senatusconsulto post medium sæculum 13. dato. Age-
batur de cæde duorum hominum in carcere Cathalaunensis
Episcopi. Quæstio erat, an ejus rei Judex esset Senatus. Ne-
gabat Episcopus, allegans privilegium Clericale; affirmabat
pars altera, eo quod ageretur de culpa admissa occasione ju-
risdictionis Laicalis, Episcopo tanquam Baroni & Pari Fran-
ciae competentis, atque ita judicatum est. Sed hoc judicium
non dirigebatur propriè in personam ipsius Episcopi, sed in
exercitum jurisdictionis à Rege acceptæ. Neque fuisse ei
pena indicta, si ulterius processum fuisse, & probata fuisse
Episcopi negligentia (non enim addit Puteanus, an illud
Senatusconsultum effectum aliquem sortitum fuerit) nisi in
jurisdictione ipsa: ut patet ex instrumento sequenti.

2. Nam post id tempus, scilicet anno 1313. Rex, qui, ut
probat Henricus Spondanus, tunc erat Philippus IV. dictus
Pulcher in litteris à Puteano ibidem num. 2. exscriptis, de-
clarat, Parliamentum, Guielimum Boutellum Clericum Re-
portatorem Regium Inquestarum privasse officio, eò quod
processum & Inquestarum secreta revelaret; sed hoc modo:
primo ad requisitionem Officialium Parliamenti. Secundo per

Offi-